



Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

RESOLUCIÓN DA ALCALDÍA.-

Asunto: Adhesión á política de sinatura electrónica da Administración Xeral do Estado

Expediente: 2024/G013/000001

M^a Teresa Villaverde Pais, Alcaldesa-Presidenta do Concello de Lousame, no uso das facultades conferidas pola lexislación vixente en materia de réxime local, adopta resolución baseada nos seguintes antecedentes de feito e fundamentos xurídicos.

Segundo a definición do Real Decreto 4/2010, do 8 de xaneiro, polo que se regula o Esquema Nacional de Interoperabilidade no ámbito da Administración Electrónica, publicado no BOE do 29 de xaneiro de 2010 (en diante, ENI), unha política de sinatura electrónica e de certificados é o “*conxunto de normas de seguridade, de organización, técnicas e legais para determinar como se xeran, verifican e xestionan as firmas electrónicas, incluíndo as características esixibles aos certificados de firma*”.

Con carácter xeral, unha política de sinatura electrónica é un documento legal que contén unha serie de normas relativas á sinatura electrónica, organizadas ao redor dos conceptos de xeración e validación de firma, nun contexto particular (contractual, xurídico, legal), definindo as regras e obrigacións de todos os actores involucrados no proceso. O obxectivo é determinar a validez da sinatura electrónica para unha transacción en particular, especificando a información que debe incluír a persoa asinante no proceso de xeración da firma e a información que se debe comprobar no proceso de validación desta.

O apartado 1 do artigo 18 do ENI, establece que “*A Administración Xeral do Estado definirá unha política de sinatura electrónica e de certificados que servirá de marco xeral de interoperabilidade para a autenticación e o recoñecemento mutuo de sinaturas electrónicas dentro do seu ámbito de actuación. Con todo, esta política poderá ser utilizada como referencia por outras Administracións Públicas para definir as políticas de certificados e firmas a recoñecer dentro dos seus ámbitos de competencia*”. Asemade, o apartado 6 do mesmo precepto establece que “*Os perfís comúns dos campos dos certificados definidos pola política de sinatura electrónica e de certificados posibilitarán a interoperabilidade entre as aplicacións usuarias, de maneira que tanto a identificación como a sinatura electrónica xerada a partir destes perfís comúns poidan ser recoñecidos polas aplicacións das distintas Administracións Públicas sen ningún tipo de restrición técnica, semántica ou organizativa*”.

En desenvolvemento da dita norma, con data do 30 de maio de 2012, a Comisión Permanente do Consello Superior de Administración Electrónica aprobou a versión 1.9 da política de sinatura electrónica e de certificados (OID 2.16.724.1.3.1.1.2.1.9). Posteriormente, con data 13 de decembro de 2012 publicouse no Boletín Oficial do Estado a Resolución do 29 de novembro de 2012, da Secretaría de Estado de Administracións Públicas, pola que se publica o Acordo de aprobación da Política de Sinatura electrónica e de Certificados da Administración Xeral do Estado e anúnciase a súa publicación na sede correspondente.

Neste contexto normativo, a Norma Técnica de Interoperabilidade de política de firma e selo electrónicos e de certificados da Administración, aprobada pola Resolución do 27 de outubro de 2016 (BOE do 3 de novembro), da Secretaría de Estado de Administracións Públicas, na súa sección II.5 sobre interacción con outras políticas, establece que «*cada organización valorará a necesidade e conveniencia de desenvolver unha política propia fronte á posibilidade de utilizar unha política marco existente*». Ademais, na mesma sección indícase que “*no caso de que nunha organización se desexen normalizar unicamente aspectos técnicos da sinatura electrónica, optarse por outro instrumento distinto dunha Política de sinatura e selo, como instrucións técnicas internas ou directrices de aplicacións*”

Tras examinar a política de sinatura electrónica e de certificados da Administración Xeral do Estado,





Concello de Lousame

Praza Teodomiro Hidalgo, 1
15214 Lousame
A Coruña
981 82 04 94
www.concellodelousame.com
concellodelousame@concellodelousame.com
C.I.F. P-1504300-c

considerábase que é coherente coa normativa de administración electrónica do Concello de Lousame e plenamente asumible nos seus aspectos técnicos, polo que, coa súa adopción, pretende dar un paso claro para favorecer a interoperabilidade entre administracións públicas, o que redundará dunha maneira inmediata na simplificación de trámites para os cidadáns.

De acordo co indicado, e no uso das atribucións dispostas no artigo 21.1 da Lei 7/85, de 2 de abril, reguladora das bases do réxime local, **RESOLVO**:

PRIMEIRO: Establecer a política de sinatura electrónica e de certificados da Administración Xeral do Estado do 29 de novembro de 2012, publicada no BOE do 13 de decembro de 2012, como política de sinatura electrónica e de certificados do Concello de Lousame.

SEGUNDO: Definir os seguintes datos como identificadores do xestor da política de sinatura electrónica:

- Nome do xestor: CONCELLO DE LOUSAME
- Buzón de contacto: seguridade@concellodelousame.gal

TERCEIRO: Publicar esta resolución no Boletín Oficial da Provincia da Coruña e na sede electrónica deste Concello; e dar conta ao Pleno Corporativo, na seguinte sesión ordinaria que teña lugar.

Asinado en Lousame, por medios electrónicos, pola Alcaldesa, M^a Teresa Villaverde Pais; do que eu, Paula Ares Otero, como secretaria e para os únicos efectos de fe pública, dou fe (R.D.128/2018, do 16 de marzo).

